



«Алтаргана» - 2012» нааданиие угтуулан

Уран гартан

ЗҮҮДЭНДЭ ХАРАГДАҢАН ДҮРСЭНҮҮД

Үнэхөөрөө, хүнэй арга боломжо хизаарлагдаагүй элбэг, дундаршагүй баян гэшээ ха. Үргэн Буряад дайдамнай байгаалин бэлэглээн гайхамшаг уран шэдитэ арга шадал, талаан бэлигтэй зоноор сурхдаг. Хэр угнаа хойшо үе үедөө бэлиг шадабарияа хубаалдан, үри хүүгдөө нурган, үг дамжуулдаг байгаа. Элинсэгүүдэймнай заяа заршам хэтын хэ-тэдээ мартагдашагүй гүнзэгыгөөр байдалдамнай шэнгэнэй.



ТҮРЭХЭН БУРЯАД ОРОНҢОО ХОЛО

Улаан-Үдэдэ түрэхэн Маша басаганай 5-тайхан байхадань, гэртэхинь Хойто Зүг руу зөөхэн юм. 16-тай болохоодоо, Маша өөрөө аяар хольин Санкт-Петербург ошоон юм. Оройдоол 10-даху класс дүүргээн хадаа, дунда нургуули түгсэхэ хүсэлэнгүй, юрын ПТУ-да нурахаяа ороходонь, тэндэнь керамикин таһаг байгаа. Тиигэжэ Мария керамика үйлдэбэрин эхин шата шудалжа захалаа. Тэрэнь эхэ һонин оньһотой хүдэлмэри байшоо. Шабараар элдэб зүйл дархалаад, тэрэнэ пезшэн соо шатаагаад, глазурь, үнгэтэ будагаар шэрдэхэдэнь, эхэ гоё бүтээлнүүд боложо эхилээ. Мария Инкижинова энэ мэргэжлээр эхэтэ һонирхон, саашаа Техническ университет инженер-технолог боложо гараһан юм.

ҮНЭН ХАРГЫ ЗААГШАД

Санкт-Петербургда нураха үедэнь тэндэхи дасанай шэрээтэ байһан Данзан-Хайбзан Самаев Маша басаганай бүтээлнүүдэе хараад, буряадай заншалта шэглэл шэлэн абажа хүдэлжэ байгаа гэжэ хэлэдэг бэлэй. Мүн тунхэдэ дээдэ нургуулин зурагай багша Виктор Петров найдал үгэжэ байһан Мариада заабол зүүн зүгэй шэглэлээр ажаллалбал, шамда таараха гэжэ ойлгуулдаг хэн. Залуу

инженерэй дипломно ажалын орон дэлхэйдэ дээжэ сэржэм үргэдэг сүгсэ - амһарта дархалһан байна. Тэрэнинь гоё найханаар глазурь шэнжэ, будагаар багшань шэмэглээ хэн.

ЗҮҮДЭНДЭН ЭРЭХЭН ҮЭГДЭЛНҮҮД

Мария одоол түрэхэн Улаан-Үдээ бусаад байхадаа, гэнтэ интернет холбоогоор бөө шажанай элдэб хэрэгсэлнүүдэе наймаанда харажархёо. Тэндэнь модоор болон зананай яһаар бүтээгдэһэн хүлдэ тэмдэгүүд, эхэ һонин зүйлнүүд табяатай байба. Тэдэниие Мария ехэтэ һонирхон үзэжэ, нажаалдан зуража эхилбэ. Эгээл энэ үедэ досоон ямар бэ даа һонин, анхан үзэгдөөгүй һанал, хүсэл бии болошоо бэлэй. Уданшьегүй ямар нэгэ үргэл хэхээ түрэлхидтээ дахалдан ошохоодо, бөө удаганай элдэб хэрэгсэл зүйлнүүдэе анхаран хараад, өөрөөшье ойлгохоор бэшэ сэдхэхэлэй байдалда ороо хэн. Тэрэ гэнэнһээ хойшо урид хараһан дүрсэнүүдэнь зүүдэндэнь харагдадаг боложо, одоол Ма-

рия тиихэдэнь, эдэ бүгэдэе дархалха, бүтээхэ хүсэлэнгүй байһанаа мэдэрээ. Энэнь хаддаа элинсэгүүдэй заршам, дархаша угайнь татаса байгаа хаш.

ГЭНТЭ ЭРЭХЭН ТУҢАЛАМЖА


Багахан үхибүүгээ абаад, гэртээ нуухадаа, юу хэхэб даа, ажалда гараха бэшэ. Энэл үедэ Мария Инкижинова Улаан-Үдын ажал зууршалдаг түб эржэ, бага олын хэрэг эрхилгшэдэе дэмжэлгын программада хабаадалсаба. Өөрынгөө бүтээлнүүдэе абаад, мүн тусхай бизнес-түсэб зохёогоод, харалганда илажа гараа. "Намайе тэндэ эхэтэ дэмжэжэ, үмсын хэрэг эрхилжэ шадахаш гэжэ найдаһандань тэдэндэ эхэ баярые хүргэнэб," гэжэ Мария Владимировна хэлэнэ. Тус программын гуримаар үгтэһэн 58 мянган түхэригтэнь Санкт-Петербурһаа муфельна пезшэ захин асараад, бэш мүнгэндэнь шабар, будаг, шэрэ гэхэ мэтэ хэрэгсэлнүүдэе худалдан абаа хэн. Тиигээд лэ, үмсын хэрэг эрхилжэ эхилээ.

Түрэл нотагһаа холо үндыһэн Мария буряад угсаатанайнгаа ёһо заншал, түүхэтэ байдал, түрэл хэлэнтээ дүтөөр танилсажа эхилээ. Юуб гэхэдэ, эдэ бүгэдэе шэнжэлжэ үзэнгүй, яагаад үнэмшэмэ найхан бүтээлнүүдэе дархалхаб даа?!

ДУТЫН БОЛОН ХОЛЫЕ ХАРАҢАН ТҮСЭБҮҮД

Мария элдэб бүтээлнүүдээ наймаанһаа худалдан абаһан шабараар дархалдаг. Тиимһээ мүнөө зундаа Буряад ороной хүдөө газарнуудаар шабар бэдэрэн, малтажа абадаг болохо хүсэлэнтэй. Улаан-Үдэдэ имэ адли ажал бүтээдэг зонуудтай үшөө танилсаагүй. Тэрэнэй мэдэхээр, манай эндэ имэ дархашуул үгы шахуу, харин Эрхүү хотодо бии. Тэдэнтэй танилсажа, ажалынь харахая Мария һанана. Мүн тиихэдэ ажалаа үргэдхэжэ, нэгэ хэдэ хүнүүдтэй суг ажаллаха түсэб табинхай. Нэмэжэ хэлэбэл, манай эндэ бүтээгдэһэн сувенир, гар бэлэгүүд, гоёлто зүйлнүүд эхэ хомор, наймаанда табяатай эд бараан Хитад, Монгол ороноудта дархалагдаһан. Харин манай нотагта хэгдэһэн бүтээлнүүд үсөөн. Марияын гэр бүлэ городской захата гэр баринхай, тэндэ өөрн ажалай байратай болохоёо һанана. Имэл даа, эрмэлзэл дүүрэн, урагшаа һанаатай залуушуул. Ажалгүй залуушуул мүнөө үедэ эхэ олон гэжэ мэдээжэ. Энэ хөөрөөнэй гол ноур болохо Мария Владимировна Инкижинова бүгдэндэ жэшээ боломоор ха. Гэртээ жүрэ нууха бэшэ, өөртөө таарама ажал өөрөө зохёогоод, үшөө ондоо хүнүүдтэ ажал олгуулха хүсэлэнтэй ябаһан үндэй ажал хэрэг, одо заяан хөөдөө байл лэ даа.

Цырема САМПИЛОВА, М.В. ИНКИЖИНОВАГАЙ гэр булын архиһаа фото-зурагууд абаба.



ОЛОН ЖЭЛНҮҮДЭЕ ХОЛБООН "БУРЯАД ҮНЭНЭЙ" УРИЛДААН

Һайхан заншалта ёһоороо май һарын эхиндэ спортын зунай халаание манай "Буряад үнэн" Хэблэлэй байшанай шанда хүртэхин тула хүнгэн атлетикын эстафетэ нээбэ. Урда жэлнүүдтэ орходоо, тус хэмжээ ябуулга майн 6-да үнгэргэгдөө.



Хараад үзэхэдэ, эстафетэ үнгэргэлгэ, хүнүүдэй хабаадалга олон юмэнһээ дүлдэдаа – дулаан уларил, Илалтын проспект үгтөө... Теэд мүнөө жэл оройдоол 70 команда хабаадаа. Зарим жэлнүүдтэ 100 гаран команда гү, али нэгэ мянган хүнһөө олон хүн спортын зунай халаание нээдэг байгаа. Хэды тиигэбэшье, эстафетын ахамад судья Надежда Суворова баяртай байһанаа мэдүүлээ: "Һүүлэй үедэ хотын захиргаан, полици имэ хэмжээ ябуулга үнгэргэлгэдэ хотын гудамжанууды оройдоошье һүүлэй үедэ үгэнэгүй. Харин мүнөө манай тамиршад ёһотойл эстафетэдэ хабаадажа байна. Сөвөдүүдэй талмай, Ленинэй толгой тойроод урилдахада ондоо, зосоо муу байдаг", - гээд Надежда Суворова ханамжална.

"Буряад үнэн" Хэблэлэй байшанай генеральна директорэй орлогшо Леонид Будаев, Физическэ культура болон спортын талаар республиканска хорооной таһагые даагша Баир Дашибальжиров гэгшэд суллагаһадые амаршалхадаа, тус эстафетэ хэдэн олон жэл соо туруу мурьсөөнүүдэй нэгэн болоно гэшээ. Буряадаймной суута тамиршад Татьяна Позднякова, Надежда Миранова-Виноградова, Павел Яковлев, Геннадий Темников болон бусад "Буряад үнэнэй" эстафетэдэ хабаадажа, яһала һайн һорилго гараа гэхэдэ, алдуу болохогүй.

Жэл бүри дүрбэн шанга гүйлдөөнэй түрүүшын шатада илалта туйлаһан спортсмен тусхай шан

абадаг һайн заншалтай. 40-дэхи нургуулин шаби Юлия Лукьянчикова, 32-дохи нургуулин Александр Федоров, технологическа университетэдэи оюутад, Захааминһаа уг гарбалтай Валерия Дылькова, спортын мастер Александр Иванов гэгшэд шалгараа. Тэдэндэ ганса тусхай шан барюулагдаагүй, тиихэдэ "Спортивная Бурятия" гэхэн ниитын жаса Россин эстрадын уржажа ябаа одон болохо Ньюшын концертэдэ биледүүдээр урмашуулаа.

Шэхэ хатуушуулай тусхай коррекционно нургуулин хубүүд, басагад хоёр дахин илалта туйлаа. Технологическа университет, Улаан-Үдын түмэр замай транспортн институт, 28-даху санаторно нургуули мүн лэ хоёр-хоёр дахин шалгараа. Дунда нургуулинүүд сооһоо 49-дэхи нургуулин басагад, 14-дэхи гимназин хубүүд түрүүлжэ гарабад. 14-дэхи гимнази хэдэн арбан жэл соо туруу һуури эзэлээгүй байгаа. Тус мурьсөөндэ хабааһан 65-даху нургуулин шабинэри хараад баярламаар байгаа. Юуб гэхэдэ, энэ нургуули 2011 онһоо хаалгатай, үхибүүдэнь ондоо нуралсалай гулмануудаар тараагданхай. Хэды тиигэбэшье, эндиһи хубүүд, басагад нургуулингаа нэрэ хамгаалһан зундаа.

Борис БАЛДАНОВ, Радна-Нима БАЗАРОВАЙ фото-зураг.